



14378

kat.kongr.

III

Mog. St. Dr.

P

Bicentennial of Stanisław for Sepulchralis memoria
St. et M. Stanisław Jankowski

PANEG. et VITAE

Polon. Fol.

№ 415

Biblioteka Jagiellońska



stdr0002830

SEPVLCHRALIS M E M O R I A

Perillustris olim & Admodum Reuerendi Domini,

D. M. STANISLAI
I V R K O W S K I,

S. Th. Doctoris & Professoris, Protonota-
rij Apostolici, Ecclesiæ S. FLORIANI Præ-
positi, Opatouiensis, & S. Georgij in
Arce Cracouiens: Custodis, &c.

Almæ Vniuersitatis Cracouiensis Procancellarij dignissimi,
dum.

Magno omnium dolore, posthumoque obsequio, ad Ædes S. FLORIANI,

Iusta ei Funebria,

perfoluerentur;

14378m

A

M. STANISLAO IOSEPHO BIEŻANOWSKI, Leopol:
Philosophiæ Doctore, Collega Minore, Ordinario
Pœseos Professore, victuræ perennitati

C O N S E C R A T A.

Anno Æra Christiana 1669. Die 13. Junij.

C R A C O V I Æ,

Apud Hæredes CHRISTOPHORI SCHEDEL, S. R. M. Typ:

15.

γ.

Perillustri Magnifico & Admodum Reuerendo Domino,
D. M. ANDREÆ KVCHARSKI,

S. Th. Doctori & Professori, Ecclesiæ Cathedralis
Crac: Canonico, Collegiæ SS. Omnium Præpo-
sito, &c. Almæ Vniuersitatis Cracouiensis
RECTORI VIGILANTISSIMO.

Illustri & Admodum Reuerendo Domino,
D. M. ANDREÆ GRABIANOWSKI,

I. V. Doctori & Professori, Ecclesiæ Collegiæ
SS. Omnium Scholastico, &c. &c.


Clarissimo & Admodum Reuerendo Domino,
D. M. NICOLAO ZALASOWSKI,

I. V. Professori, SS. Omnium Canonico.

Vltimæ voluntatis piæ defuncti, Executoribus,

D. D. & Patronis fauentissimis,

Author S. & P.

 *Uam in pectoribus Vestris, altiùs defixam habetis; iuris quoq;
publici à me factam, Sepulchralem magni Viri memoriam, Amplissi-
mis Nominibus Vestris consigno. Dispendium hoc, æstimatione suâ
maius, quod patimur; non aliter vtcunq; rependi potuit; quam lite-
rati à morte vindicijs, eius Viri; ex cuius inter literatos i ctura, dolori dicendis
etiam disertissimus, silentium pro eloquentia est. Mihi certè, nisi autoritas Ve-
stra, Vitale aliquid cogitanti addidisset; frigidius sepulchrali marmore pectus,
ad tanti viri occasum obriguisset. Primum quippè & primarium, ex Vniuersitate,
Nostra Virum amittere; & posse aliquid loqui; dolentis non est: cum dispendia
sua non capiat; qui de ijs, non plus concipit, quam loquitur. Si quid ergo in
tanto dolore tentauis; qui dolentium ritus est; inter singultus; & abrupta suspiria;
non tam exprimo, quam insinuo. Parcet proinde summum iudicium Vestrum;
si alicubi magnitudini doloris exprimendæ peperci; ne viscera amantium, qualia
Vestra sunt, dilacerarem. Mentio quippè omnis, tanti, & tam bono togatorum
publico, profuturi nominis; non oculi tantum lachrymas sed cordis quoq; Vestri
amarissimum torcular est; qui intimius cum eo versati; iubar illud mentis de-
cusq; propius inspexistis. Cum itaque in sinu Vestro, eum, quem dilexistis & ob-
seruastis, depono; animatum illi mausoleum, inuenisse me gaudeo; inter communes
lacrymas, hoc unum ad publica solatia transferens; quod confidam, eum in Ve-
stra, & tot aliorum in Vniuersitate Nostra, excellentiam Virorum, summa vir-
tute, sapientia, autoritate, perenniter videturum.*



S E.



SEPVLCHRALIS MEMORIA

Summis viris,

*Census omnis gloria, cum spontè ad marmora veniat;
Praxiteles non fatigat.*

Felix illa terræ portio;

*quæ in eiusmodi lapides concreuit; ut à morte, quæ vitam dilapidat,
Immortalia nomina vindicet.*

nunquam tamen felicius caditur;

*quam cum, in eam posthumo opere, cælaturam venit;
quæ præstantibus in re literaria viris, in elogia cedit.*

*nulla quippè metalla, pretium sui maius augent;
quàm quæ sapientum virorum gloriam, pretiosum orbis depositum servant.*

Prodirent certè, catenasque naturæ rumperent,

Deucalionis feliciora Saxis;

nisi ad opera huiusmodi tollerentur;

*in quibus, lux animi eruditi, inter frigidissima marmorum;
pluiquam Promethei, inter Saxeos mortalium foetus, virgula candet.*

Cœlata Isocratis Siren,

nunquam dulcius quam in sepulchro tanti viri, muta cecinit;

Cum metallo suo exultans;

*quod rudis ante gleba, in orbis delictum famamq;
cum eloquentiæ delictio venisset.*

Hinc,

Superba Romæ septizonia, molesq;

cum minantia nubibus, pinnacula porrexissent;

hoc solo infelicius surrexere;

*quod Parios lapides, crustataq; opera,
ad insipidum, sterilis pompæ, damnassent ministerium;*

qua nunquam seculum, sapientius fecit.

Fortunatiùs Illud,

Quidquid in rudem olim Ennij statuam venit;
qua tumulos Scipionum supergressa,
intulit æternitati, nobilem argumento, non arte sculpturam;
qua magni animi habitaculum expresserat.

Huc ergo

Quicquid alieno sole coquitur, orbisq; pretia fatigat;
non brachio steropis agimus, sed iturum sequimur sponte.

Vna Thebas olim, condere poterat testudo;
cum reptantia ad opus, naturam præcurrissent saxa.

Validior hîc impetus;

Vbi duo validissima in orbe, virtus & sapientia,
naturam non inuitant, sed urgent;
ut cum, ad æternam sapientis gloriæ molem, lege perenni immota veniunt;
etiam de legibus suis remittat.

Magna quippe, naturæ ipsius gloria est;
cum se habere, quomodo dispendia sua penset, intelligit;
gaudens utique, inter sepulchralia rudera, lares illos non dissoluit;
in quibus aliquando sapiens animus habitauit.

Ad hæc naturæ Solatia descendimus;

Sed eheu solatio procul?

cùm

Perillustri olim Viro,

M. STANISLAO IVRKOWSKI,

S. Th. Doctori & Professori,

Vniuersitatis nostræ Procancellario, &c.

Sepulchralem memoriam, magni nominis vindicem

ponimus.

Operum hoc genus, ut ex merito illi assurgat;
ipsa, quæ in eo assurrexerant, Virilis sapientiæ decora meruerunt;
in quibus ad Senium, non irrupit, sed processit.
turpe illud ubiq; sed in regno sapientiæ turpissimum;
cum Daui Capite, habere Calipedis pedes;
qui quod sine mente, perniciùs ferantur, quid miraris?

procul

procul à cerebro distant:

*Pernicissima animantium, simul timidissima.
cordata, ubi, sensim processerint, subsistunt;
generosq; intuitu morantur;*

ad experimentum sui ubique parata.

*Hoc secreto, sapientia, gradus sibi, non compendia fecit;
ut adire eam, non nisi per vestigia liceat;
ne aut cochleæ hic frustra laborent; aut aeripedes insolentius præcurrant.*

Tritum hunc maioribus nostris,
per impressa vestigia callem, post gradus laureatos, fortiter premens;

PRO CANCELLARIUS noster;
Poznaniæ primùm, in Lubransciano Collegio,

Eloquentiæ Professor;

ad illustre nomen, constanti professionis lustro contendit.

Masculum ei, ut animi, ita & eloquentiæ robur;
*in quo sapere voluit; dicereque pariter, & cogitare cum Catone;
ut par magnis Principum mentibus, per Europæas gentes dirigendis;
efficaciter persuaderet, quod sapienter conceperat.*

Ita

*Germania, Belgium, Gallia, Italia,
& quacunque in orbe Christiano ora cultissima,
cum in eleganti ingenio, parata omnia inuenissent;
diutius retinere, dum aliquid exquisitius formant.*

Summa proinde ingenia, quæ hic intimiùs adiit;
*spectanda patriæ, in animi exhibuit vultu;
tam viuis lineamentis; quam si ea, Protogenis duxisset manus;
si aliquid in animorum effigie posset.*

Effulsere in eo,

*Louanienses, Parisina, Romanaq; musæ;
imo & felices Genij;*

cum eloquentissimo Viro, scriptoriq; Clarissimo,

IOANNI CINERSCIO,

In Cathedra Tyliciana succedens Orator,
*Proferret in rostris, sapientis eloquentia, Virilem spiritum;
quem ex tot ingenijs hauserat.*

B

Scri-

Scribentis erudito calamo, par argumentum,

D. CECILIAE RENATAE,

Poloniarum Reginae,

posthuma laus;

in cuius augusto mausoleo, nō minori maiestate perfunctū;

transtulit ad augustiora, supremae Facultatis subsellia,

Sapientia Theologica.

Sacrum hoc negotium, quam illi ad mentem, gustumq̃;
ex mente, gustuq̃; publico constat.

Implevit profectio cathedra decus, pari gloria;
nec tam annosos fecit circuitus, quam profectus;
dignus, qui viuaci ingenio, senilem animum perpetuò iungens;
magnorum Academiae Patrum, Venerabili senio succederet.

excepit eum hac prerogativa,

inter S. Th. Doctores honorificè cooptatum;
ut ad conseruandas Vniuersitatis prerogatiuas, quo celsus iuerat,
tanto excelsiorem animum circumferret.

Mirum sanè, quòd magnus Viris, indignari fortuna audeat;
cum ijs ardua obicijt.

Nihil illā tum stolidius, cū gloriæ pedisequa seruit;
cui præiuisse honorata poterat.

Sed hac experimenta, ad imbellium sortem non pertinent;
quibus animus semper friget, spectraq̃; sua multiplicat;
cū in Paridem inciderit, Hectora putans.

Magnanimi cordis pabulum est, quod seriò riget;
Nec tam cedit, quam vincitur:

in quo

Pectoris infracti Virum, vt faceret rigida virtus;
per prærupta abiijt.

Vidit in orbis facie, curas eius Roma;
prudentiam, magnitudinem, dexteritatem animi, constantiam,
& quicquid cum summo iudicio, promptum ubiq̃; consilijs, cautumq̃;
in rei literariæ Vindice suspexit.

Negotium hoc, multarum sanè etatum fuerat;

quod

quod magna utique virtutis privilegio constitit; cum privilegiorum
naufragia in tuto posuit.

Sic infatigabiles fieri oportet;

quorum ex cubijs, dulces aliorum somni, placidaque requies constat.

Si manus illa, operosissimo conflictu firmari debuit;
qua sub Rectoralium sceptrorum, magnificentia, non nutaret,

Vniuersitatis sæpius **RECTOR.**

In hoc exercitissimi animi sinu, ceu in cetro suo quieuere,

difficillima omnium, animorum imperia;

cum expeditum, in hac curarum serie, Virum,

concepta simul & absoluta, probauere negotia:

mente quidem, tam semper, magnis cogitationibus perficiendis apta,
ceu consilia ex re non fierent, sed nascerentur.

Summi iudicii dotem secuta, par ubique auctoritas;

gratularique sibi functiones publica visa;

quod pectus inuenissent, in quo magnificentiam suam explicarent.

Sceptris ergo,

ut coronæ quoque accederent laureatæ;

non aliud ijs, ex maiestate literarum honorificentius;

quam in hoc Viro depositum,

Illustrissimi & Reuerendissimi Domini,

De

A N D R E Æ T R Z E B I C K I,

Episcopi Cracouiensis, Ducis Seueriæ,

Alma Vniuersitatis Nostræ CANCELLARIJ,

longè dignissimi,

tersissimæ acies mentis aduertit.

Ex sententia id sapientissimi præsulis, simul & ex voto;

qui, cum, totus ipse animus, in animorum iudicijs lynceus sit;

vices suas in eum contulit;

inquo Sapiens animus, alternas inter umbram lucemque, nescit vices.

Prouentus inde, Coronarum Doctoraliū frequens.

Cum honoratis capitibus, summam ipse cederet in Coronam;

Procancellarius Academiae,

Vir planè ex merito summus;
ex quo prudentia amissim, nisi duxeris; etiam ad Censorios frustra respicies.
admentem compositam, ordinati affectus,

interiora animi pacatiùs incoluere;
& cum ardua negotiorum, sæpius ad inuicem colluctarentur;
nunquam in ijs animum sensit obluçantem.
Sic in placido, collectum illi semper præsensq;, pectoris secretum;

etiam cum in verba prodiret;
Valido sensu, intelligentiæ vim consignabat.
inde ad seria perpetuo attentus; in ancipitibus cautus;
Vigil ubiq;, & secutura acri iudicio præuolans;
curas, ne in turbido venientes, tumultuaria exirent;

Ita semper excepit;

ceu ante ordinasset, quàm irruissent:
Regimen hoc animi, seruatum in vita constanter;
ius suum, faseesq;, etiam in extremis non remisit.

Pietas, integritas, rectitudo conscientiæ,
à vitioso impetu, procul;

in mortis quoq; impetu, ordines suos seruauere.

Expectauit ut Vir sapiens, momentum illud;
quod humanæ sapientiæ parenthesim claudit:
rediturus eò non illibenter; quò bonas sæpius cogitationes præmiserat.
Curam animæ, in hoc agone præcipuam;
ad sudorem vsq; cordis, cum in lachrymas soluitur, seruauit tam anxie;
quàm non anxie mortem excepit.

rorantibus oculis, ad Solem iustitiæ, sæpius conuersus;
ex hoc, circa diluculum æternitatis rore;
bonum melioris vitæ diem, auspiciari poterat;

atq; id tantò securiùs;

cum ex oceano gratiæ, sidus quoq; matutinum procedens;
crebris suspiriis vocata, Magna DEI Mater affulsisset;
Cuius misericordiæ, super arenas maris numerum;
magno deuotionis cultu obseruauerat, Carmelitici maris

in Arenis.

Hic ille, ut in librum vitæ transfiret;
instructissima bibliotheca monumento, supremis tabulis donato;
Supplicem diuinitati, per Admirandam Virginem optulit libellum;
diploma salutis, haud dubie consignandū per eam sperans;
quam DEVS, ut signaculum, super cor suum posuit.
Excepit eum tandem, s. Iunij, communis mortalium portus;
inquem, placidâ ex roseis Christi vulneribus malatiâ inuectus;
extra Vndas quidem sæculi; non tamen nostras extra lachrimas stetit.

irritamentum ijs perpetuum.

ineuitabilis tanti Viri cogitatio;
quæ cum in mentem, desideria nostra excrucians, venerit;
tum demum in umbra sepulchrali ostendet; quantum lucis in eo deceferit.
magnum quippè Viros, serò requirimus;
quorum ab excessu, veneratio maior;

etatis præteritæ suspiria fatigat;

cum iam inspirare non licet.

respiciet ad monumentum hoc ætas illa; cui vixerat in exemplū;
nec aliud felicitati suæ præcabitur; quam ut pares habeat.


Nobis certè.

felicitatem hanc aliquando possedisse mensura cuiuscunq; solatijs;
amississe, dolor sine mensura est;
cui, quod lachrymis impendimus, minimum;

Summum illud,

iusta virtutis & meritorum æstimatione, hoc agere;
ut cum ad similia, magni animi in-caluerint;
posthumæ gloriæ partu, nulla non ætas videat nasci,
rei literariæ.

VIROS SUMMOS.



VIRI S. V. M. O. S.

et literarum.

postquam glorie partem non sibi videtur
in aeternum et in eternum et in eternum
in aeternum et in eternum et in eternum

Summum illud

et in eternum et in eternum et in eternum
in aeternum et in eternum et in eternum
in aeternum et in eternum et in eternum

in aeternum et in eternum et in eternum

in aeternum et in eternum et in eternum
in aeternum et in eternum et in eternum
in aeternum et in eternum et in eternum

in aeternum et in eternum et in eternum

BIBLIOTH. UNIV.



VAGELLONIAE

